

## Universal Declaration of Human Rights - Ladin

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

---

### Detlaraziun Universala di Dërc dles Porsones

Ressoluziun 217 A (III) dla sentada generala di 10 de dezëmbër dl 1948

#### Pream

Deache le reconescimënt dla dignité de düc i mëmbri dla comunité dla jënt y di medemi dërc inalienabli, é la fondamënta dla liberté, dla iustizia y dla pêsc tl monn;

deache la mançianza de reconescimënt y le desprijamënt di dërc dles porsones à portè pro a ac de barbaria, che ofënn la cosciënza dles porsones y deache al é gnü anunzié che n monn, olache les porsones à la liberté de parora y de religiun y la liberté da tēma y meseria é la majera aspiraziun dla porsona;

deache al va debojëgn da defēne i dërc dles porsones cun normes iuridiches a na moda che la porsona ne vëgnes nia sforzada da adorè la rebeliun sciöche ultimo meso contra la tirania y l'opresciun;

deache al va debojëgn da sostignè le svilup di raporç d'amizizia danter les Naziuns;

deache i popui dles Naziuns Unides à reconfermè tl Statut súa crēta ti dërc fundamentai dla porsona, tla dignité y tl valur dla porsona, tl'avalianza di dërc danter ël y ëra y à tut la dezijiun da promöie le progrès sozial y de mius condiziuns de vita te na majera liberté,

deache i Staç mëmbri s'à tut dant da miré, en colaboraziun cun les Naziuns Unides, al respet y al'osservanza universala di dërc dla porsona y dles libertês fundamentales;

deache na comprenjiun coletiva de chisc dërc y de chēstes libertês é de grandiscima importanza por realisé deplëgn chēstes oblianzas,

protlamëia la Reuniun Generala

chēsta detlaraziun universala di dërc dles porsones sciöche ideal coletif da arjunje da düc i popui y dōtes les Naziuns, a na moda che vigni porsona y vigni organn dla sozieté se sforzes, tignin tres amënt chēsta Detlaraziun, da sostignè cun l'insegnamënt y l'educaziun, le respet de chisc dërc y de chēstes libertês, y da garantì tres mosōres nazionales y internazionales progressives, le reconescimënt universal y efetif y le respet danter i popui di Staç mëmbri y chi di teritori sotmetüs a súa iurisdiziun.

#### Articul 1

Dōtes les porsones nasc lēdies y cun la medema dignité y i medemi dërc. Ares à na rajun y na cosciënza y mëss s'incuntè öna cun l'atra te n spirit de fraternité.

#### Articul 2

A vigni porsona ti spétel düc i dërc y dōtes les libertês protlamà te chēsta detlaraziun, zēnza degōna desfarēnzia porvia dla raza, dl corù dla pel, dl ses, dl lingaz, dla religiun, dl'opiniun politica o de n'atra sort, dla provegnēnza nazionala o sozjala, dla richēza, dla nasciüda o de d'atres condiziuns.

Ala medema maniera ne pol gnì fat degōna desfarēnzia por la posiziun politica, iuridica o internazionala dl païsc o dl teritore de chël che la porsona fej pert, anfat sce chēsc é independēt, sot a n'aministraziun de crēta, nia autonom o sotmetü a val' sort de limitaziun de sovranité.

#### Articul 3

Vigni porsona à le dërt de vita, de liberté y de segurté dla porsona.

## Articul 4

Degöna porsona ne po gnì tignida te stlavité o sorvidù; la stlavité y le comertz de stlâfs te bel anfat cí forma é proibis.

## Articul 5

Degöna porsona ne po gnì sotmetüda a tortöra, tratamënc crödi, inumans o umilianc o puniziuns.

## Articul 6

Vigni porsona à le dërt che al ti vëgnes reconesciü indlunch süa personalité iuridica.

## Articul 7

Dötes les porsones é anfat dan la lege y à le dërt, zënza degöna desfarënzia, da gnì defenüdes dala lege ala medema manira. Dötes les porsones à le dërt da gnì defenüdes ala medema moda contra de vigni sort de descriminaziuns, che va contra chësta detlaraziun y contra vigni impiziamënt a na te' descriminaziun.

## Articul 8

Vigni porsona à le dërt de na poscibilité reala de recurs pro i tribunai statai competënc contra aziuns che violëia i dërc fundamentai che ti vëgn reconesciüs a vigni porsona dala Costituziun o dala lege.

## Articul 9

Degöna porsona ne po gnì arestada, sarada ia o esiliada arbitrariamënter.

## Articul 10

Vigni porsona à le dërt, te na posiziun de avalianza plëna, a n'audiënza publica y valia dan n tribunal independënt y imparzial, cun na determinaziun de sü dërc y de sü dovëis, sciöche de vigni acüsa penala te sü confrunc.

## Articul 11

1. Vigni porsona che vëgn incolpada de n reat à le dërt da gnì reconesciüda sciöche inozënta, čina che süa colpa ne é nia gnüda cumprovada aladô dla lege te n prozës publich, olache ara à albü dötes les garanzies che va debojëgn por süa defenüda.

2. Degöna porsona ne po gnì condanada porvia de n'aziun o na tralascianza che ne ê nia punibla tl momënt dl'execuziun, aladô dl ordinamënt iuridich nazional o internazional. Implü ne pol nia gnì dè na sanziun plü alta co chëra aplicabla tl momënt che le reat é gnü eserzitè.

## Articul 12

Degöna porsona ne po gnì sotmetüda a interferënzes arbitreres te süa vita privata, süa familia, süa čiasa y süa corespondënza o gnì ofenüda te so onur y süa reputaziun. Vigni porsona à le dërt da gnì sconada dala lege contra chëstes interferënzes o ofenüdes.

## Articul 13

1. Vigni porsona à le dërt da se möie lediamënter te n stat y da se chirì fora süa residënza lediamënter.

2. Vigni porsona à le dërt da s'un jì da n païsc, inće dal sò, y da gnì zoruch te so païsc.

## Articul 14

1. Vigni porsona à le dërt da chirì y da ciafè te d'atri païsc asil contra les persecuziuns.

2. Chësc dërt ne podarà nia gnì ghiré sce la porsona vëgn veramënter chirida por reac che n'è nia politics o por aziuns cuntra i fins y i prinzipls dles Naziuns Unides.

#### Articul 15

1. Vigni porsona à le dërt da avëi na zitadinanza.

2. A degöna porsona ne pol ti gnì tut arbitrariamënter no súa zitadinanza, no le dërt da baratè zitadinanza.

#### Articul 16

1. Èi y ères cun n'eté adatada à le dërt da se maridé y mète sò familia, zënza limitaziun de raza, zitadinanza o religiun. Ai à i medemi dërc por ci che reverda le matrimone, tratan le matrimone y canche al vëgn deslié.

2. Les porsones po ma gnì dades adöm cun le consëns lëde y plëgn di nüc.

3. La familia é la basa naturala y fundamentala dla sozieté y à le dërt da gnì defenüda dala sozieté y dal Stat.

#### Articul 17

1. Vigni porsona à le dërt da avëi na proprieté personala o deboriada cun d'atri.

2. A degöna porsona ne pol ti gnì tut arbitrariamënter súa proprieté.

#### Articul 18

Vigni porsona à le dërt de liberté de pinsier, cosciënza y religiun; chësc dërt tol ite la liberté da mudé religiun o fede, y da mostrè, dassora o deboriada cun d'atri, tl publich o tl privat, súa religiun o súa fede tl insegnamënt, tla pratica, tl cult y tl'osservanza di rituai.

#### Articul 19

Vigni porsona à le dërt de liberté de minunga y espresciun, cun laprò le dërt da ne gnì nia scintiné por súa minunga, y da chirì, ciarfè y dè inant informaziuns y idees tres vigni meso y zënza tignì cunt de confins.

#### Articul 20

1. Vigni porsona à le dërt da se incuntè y se assozié en pêsc.

2. Degöna porsona ne po gnì sforzada da fà pert de n'asoziazion.

#### Articul 21

1. Vigni porsona à le dërt da tó pert al govern de so païsc, sides diretamënter che tres rapresentanc chiris fora lediamënter.

2. Vigni porsona à le dërt da ti rové pormez ales medemes condiziuns ai posc de laûr publics te so païsc.

3. La orentè popolar é la fondamënta dl'autorité publica; chësta orentè mëss gnì a espresciun tres lîtes regolars y dërtes, universales y valies, cun litaziun socrëta o n'atra prozedöra ecuivalënta a na votaziun lëdia.

#### Articul 22

Sciöche mëmber dla sozieté à vigni porsona le dërt de segurëza sozuala, sciöche inçe da realisé tres mosöres nazionales y la colaboraziun internazionala, tignin cunt dl'organisaziun y dles ressurses de vigni stat, i dërc economics, sozai y culturai che va debojëgn por súa dignité y le svilup lëde de súa personalité.

#### Articul 23

1. Vigni porsona à le dèrt da podèi laurè, da se chirì fora lediamènter sùa profesciun, da avèi condiziuns de laûr iüstes y dalvers y da gnì defenüda cuntra la dejocupaziun.
2. Vigni porsona à le dèrt da ciafè le medemo paiamènt por le medemo laûr zënza descriminaziuns.
3. Vigni porsona che laôra à le dèrt da ciafè n paiamènt adatè y dalvers che ti garantèsces a d'ëra y a sùa familia n'esistènza aladò dla dignité umana, integrada sce al va debojëgn, cun d'atres mosöres de proteziun sozuala.
4. Vigni porsona à le dèrt da mète sö sindacac y da jì laprò por defëne sù interes.

#### Articul 24

Vigni porsona à le dèrt da palsè y da avèi tēmp lēde y dantadöt na limitaziun adatada dles ores de laûr y feries periodiches paiades.

#### Articul 25

1. Vigni porsona à le dèrt da avèi n standard de vita che garantèsces sùa sanité y so bëgnester y chël de sùa familia, tignin cunt dantadöt dl'alimentaziun, dl'guant, dl'abitaziun, dles cures mediches y di sorvisc soziai che va debojëgn, sciöche incè la segurèza tl caje de dejocupaziun, maratia, invalidité, vedovanza, vedlèza o sce ara perd a val'atra moda i mesi de sostëgn, porvia de condiziuns che ne depënn nia da d'ëra.
2. Les umes y i mituns à le dèrt da ciafè cures speziales y sostëgn. Düc i mituns, nasciüs tl matrimone o defora da d'ël, mëss ciafè la medema sconanza sozuala.

#### Articul 26

1. Vigni porsona à le dèrt da ciafè n'istruziun. L'istruziun mëss ester altamo por ci che reverda la scora elementara y la formaziun de basa debann. L'istruziun elementara mëss ester obligatoria. Dötes les porsones mëss podèi ciafè n'istruziun tecnica y profesionala y ti rovè pomez ala medema manira al'istruziun alta aladò de sües capacitès.
2. L'istruziun mëss se orientè al svilup plëgn dla personalité umana y al renforzamènt dl respet di dèrc dles porsones y dles libertès fondamentales. Ara mëss portè pro ala comprenjiun, toleranza, amizizia danter dötes les naziuns y i grups raziai y religiusc y sostigni l'ativité dles Naziuns Unides por mantignì la pêsc.
3. I geniturs à le dèrt de prioritè da chirì fora l'istruziun de sù mituns.

#### Articul 27

1. Vigni porsona à le dèrt da tó pert lediamènter ala vita culturala dla comunité, da se gode les erts y da tó pert al progrès scientifich y a sù benefizi.
2. Vigni porsona à le dèrt che i interes morai y materiai che vëgn da sùa produziun scientifica, leterara y artistica vëgnes sconà.

#### Articul 28

Vigni porsona à le dèrt da avèi n ordinn sozial y internazional, olache i dèrc y les libertès nominades te chësta detlaraziun po gnì realisà deplëgn.

#### Articul 29

1. Vigni porsona à dovëis devers la comunité, deache ma dailò vara da se daurì al svilup lēde y plëgn de sùa personalité.
2. Da eserzitè sù dèrc y sües libertès mëss vigni porsona mà gnì sotmetüda a chës limitaziuns che vëgn fates fora dala lege por garanti le reconescimènt y le respet di dèrc y dles libertès di atri y por ademplì i dèrc bojëgns dla morala, dl ordinn public y dl bëgnester general de na sozieté democratica.
3. Chisc dèrc y chëstes libertès ne po a degöna moda gnì eserzità cuntra i fins y prinziips dles Naziuns Unides.

#### Articul 30

Degöna desposiziun de chësta detlaraziun ne po gnì interpretada a na moda da ti dè insaçi dërt a n stat, n grup o na porsona da eserzitè n'ativité o n'aziun por tó y jì i dërc y les libertês nominades te chësta detlaraziun.

---